



Directivas

per fixar ils facturs da producziun Fp tenor artechel 24
dall'Ordinaziun davart l'economisaziun dil rumien (OER)

Revediu ils 22 da zercladur 2022

I. Regulaziuns specialas

- Implonts dil militer ed auters baghetgs ch'ei buca registrai dall'Assicuranza da baghetgs dil cantun Grischun (ABG) ein da facturar separadamein cun ina pauschala annuala.
- Il survetsch da rimnar per liung ils pausadis dallas vias cantunalas ei da facturar ni da scuntrar quen cugl Uffeci cantunal da construcziun bassa.

II. Facturs da produenziun

a) F_p tenor gruppas economicas

Nr.	gruppa economica tenor cataster ABG	F _p
1	Baghetgs administrativs e publics	0,6
2	Casas	1,0
3	Agricoltura e forestalesses	0,0
4	Traffic	0,8
5	Commerci	1,0
6	Industria e mistregn	0,8
7	Elavuraziun da lenna	0,6
8	Gastronomia	1,0
9	Baghetgs annexs	0,0

¹Per la facturaziun dallas taxas fundamentalas eis ei da partir tenor artechel 24 alinea 1 dall'OER d'ina valeta minimala decisiva da 180'000 francs per mintga unitad immobigliara ch'ei suttamessa alla taxa. Per evitar che era baghetgs annex e cumparts da baghetgs da condominis ch'ei indicai singul el cataster dalla ABG cun ina valeta da segirada² da dameins che frs. 180'000 (index dils cuosts da baghegiar 2022 = 126.3 puncts) vegnen pertuccai da questa regulaziun, ein tier quels baghetgs ils facturs da produenziun F_p da curreger suandontamein:

- Baghetgs annexs cun ina valeta da segirada sut frs. 30'000.-- F_p = 0,0
- Cumparts da condomini cun ina valeta da segirada sut frs. 20'000.-- F_p = 0,0
- Tier ils ulteriurs baghetgs annexs e cumparts da condomini cun ina valeta da segirada sut frs. 180'000.— vegn il F_p reducius ella relaziun dalla differenza dalla valeta da segirada (rundau silla proxima unitad da dieschmelli) tier la valeta minimala decisiva da frs. 180'000.— (index dils cuosts da baghegiar 2022 = 126.3 puncts).
- Sch'il factur da produenziun calculau F_p ei pli pigns che 0,2 vegn el mess eguals a 0.0.

¹ Adattau tenor decisiun dalla conferenza da presidents dils 22-06-2022. En Vigur naven dils 01-01-2023.

² Ei setracta adina dalla valeta nova dalla segirada da baghetgs

b) F_p specific

- Capluttas, tuors, staziuns da trafo, centralas d'ovras electricas, tracts da colligiazion e foyers nunhabitai, hallas da scuder e da parcar, implonts da schelentar ed auters, baghetgs che produceschan negin rumien¹⁾
F_p = 0,0
- Baselgias, museums e semegliont
F_p = 0,2
- Tegias d'alp (per mintga alp vegn quintau maximal in baghetg da habitar)
F_p = 0,2
- Tegias da cuolm, da muntogna, da catscha e semegliontas sco era cassetas da vacanzas pigl agen diever cun valetas da segirada sut frs. 180'000.— da proprietaris cun ina casa ni da habitonts domiciliari permanent el territori da gestiun dall'economisaziun regiunala dil rumien
F_p = 0,0

Glion, ils 30 da fenadur 2015

Il parsura dalla conferenza dils presidents


Ernst Sax

Il meinafatschenta


Duri Blumenthal

¹⁾ Aschia ston vegni risguardai tier implonts da transport turistics sulettamein las staziuns a val ed eventuals menaschis d'ustria che s'audan leutier. Ils ulteriurs implonts da transport retscheivan il factur da producziun specificau F_p = 0,0